

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

VII. De contumelia, detractione, susurratione, derisione, maledictione,
quæ verbo consummantur, & potiſimum honorem lædunt.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

inuiti quoad modum, quo magis, ex peculiari vita instituto, quisque subditus ad eiusmodi furta cœienda teneatur; grauius, proinde venialiter peccet, contra perfecitionem voti Paupertatis. Quod si furtum non per minima, sed simul factum, tres vel quatuor argenteos regales excedat, è peccato mortali sacrilegij contra votum Paupertatis excusari non debet. Ita Rebellus. Plura supra de Eleemosyna, &c inferius disp. 6. q. dub. 4. de paupertate religiosa.

DV B I V M VII.

De Contumelia, Detractione, Derisione, Maledictione, qua verbo consummantur, & potissimum honorem ac famam laudent.

S.Thom. 2.2. q. 72. 73. 74. 75. 76.

132 Quæritur I. Quid, & quale peccatum sit Contumelia. Respondeo. I. ex S. Thoma q. 72. a. 1. contumeliam esse vitium Iustitiae oppositum, quo iniuste lædit honor proximi; seu verbis, ut conuictando, calumniando, seu factis, tanquam signis, ut probroso percutiendo; seu etiam per negationem honoris debiti, eo nimur loco & tempore, quo ea ipsa interpretatius quidam contemptsus alterius censeatur.

133 Respondeo II. Contumeliam, conuictum, & impropterum distingui quidem, stricte loquendo, inter se; nempe quod per contumeliam defectus culpa; per conuictum quolibet anima, seu corporis vitium, ut cæcitas, &c. per impropterum, defectus minorationis, sive indigentia alteri contemptum representatur, vt docet S. Thomas q. 72. a. 1. ad 3. Attamen nihilominus generatim loquendo, omnia ista, comprehendunt sub nomine contumelie: & vero omnes contumelias per se esse eiusdem speciei, ob eandem rationem formalem iniuria, quam inferunt.

134 Respondeo III. Peccatum hoc quidem ex suo genere esse mortale; & grauius infamia; excusatamen à mortali, vel ob indeliberationem, vel ob leuitatem materiae. Vnde contumelia licet per se grauius, inter pueros tamen, fæminas & viles personas, non est semper peccatum mortale, ut conuenienter S. Thomæ, quæst. 72. artic. 2. notat, Sa. V. *Iniuria*.

135 Imo si quis alteri dicat verba contumeliosa, non vt honorem lædat; sed propter correptionem (quod tamen nec facile, nec incaute, nec ab omnibus fieri debet) aut iocum, aut aliquid simile, aut nullum, aut veniale tantum est peccatum; modo caueatur scandalum, & re ipsa conuictum præter modum non sit grauiter læsiuum, vt docet ibidem S. Thomas.

Quæritur II. Quid & quale peccatum sit Detractione. Respondeatur sequentibus pronuntiatis.

I. Detractione ex suo genere est peccatum mortale, contra iustitiam, grauius quidem furto, sed leuius homicidio, adulterio, & contumelia. Ita

S. Thomas quæst. 73. art. 1. 2. & 3. ex communione. Probatur. Quia Detractione nil aliud est, quam denigratio famæ alienæ per verba, ex communione. Thomæ a. 1. Seu iniuriola læsio famæ alienæ, quæ bonis fortunæ anteponitur. Ex vero, non accedit, si crimen, quod narras, iam ante notum sit audiendis, modo assuerantius non affirms.

Dicitur autem fama, illæse dignitatis status, vita & moribus comprobatus, ex l. In legem ff. de varijs & extraordinarijs conditionibus: sive quod idem est, Bona opinio & sermocinatio plurimum, de virtute & dignitate aliquis. Et Glossa in Proverb. 4. ait, hoc specialiter virtus totum humanum genus pericitari.

Quod si, vt nonnunquam fieri posse inferius patebit, illicite quidem, & contra charitatem, sed non contra iustitiam lædatur fama proximi, non erit detractione stricte, sed paulo latior significatur, prout omnem irrationali alienæ famæ læsionem comprehendit.

II. A peccato tamen excusatetur detractione, tum ob paruitatem materiæ, si fama parum lædatur; vel ob imperfectionem actus, ex indeliberatione scilicet & ignorantia seu inaduerrentia, probabili facti, quod res esset occulta, sive quod incogitanti ater sermo excidat. Quo etiam reducenda est excusatio perita à leuitate animi, seu loquacitate, ex S. Thoma hic q. 73. a. 3. Ea enim per se à mortali non excusat, sed solum ratione indeliberationis, vt recte Valentia quæst. 17. pun. 2.

III. Materia non leuis, sed grauius, est omnis & solus defectus, respectu ipsius personæ læsæ grauiter probrosus, adeoque non solum omne peccatum mortale; nisi eiusmodi sit, quod necipit sibi, nec eidem alijs, pro persona conditione, magnopere probrosum ducant, vt seculari homini & leui, esse potatorem, lusorem &c. militi duello conflixisse, sed etiam quandoque veniale, vt in vno graui censeri mendacem, quicquid absolute de veniali negent Nauarrus cap. 17. n. 24. & Sylvestris V. Detractione q. 1. post Antoninum part. 2. tit. 8 cap. 4. Aliquando etiam solus quidam defectus naturalis, vt est occultus defectus Natalium, saltem in persona honorata, ex communione, apud Petrum Nauarrum lib. 2. cap. 4. à num. 36. Lessium lib. 2. cap. 11. dub. 3. Aragonium hic quæst. 73. artic. 2. dub. 4.

IV. Ob leuitatem vero materia à mortali non excusat, nec I. qui occultum & infame crimen, persona nota, vni vel duobus etiam fidissimis, qui nullo modo obsfuturi putentur, etiam sub secreto temere narrat; quia si iudicium temerarium vnius de altero grauiter lædit existimationem, cur non etiam vnius apud vnum detractione famam? vt recte Sotus lib. 5. quæst. 10. art. 2. Nauarrus cap. 18. n. 19. Valentia quæst. 17. pun. 2. Aragonius & Bannes q. 73. art. 2. licet contrarium non omnino improbabiliter sentiant Caietañus ibidem, Petrus Nauarrus num. 335. & ex parte Lessius dub. 11. Nempe si vir ille, cui reuelatur crimen, talis non sit vt persona reuelata multum ab eo pendeat, & cum eo assidue consuescere soleat.

Necexcusat II. q. auditum crimen simpliciter absque noua assueratione, vel confirmatione,

narrat; si quidem animaduertebat, aliquos exaudientibus licet temere, credituros, ut recte Sotus lib. 4. quæst. 6. a 3. Salon loc. cit. Valentia q. 6. pun. 5. & quæst. 17. pun. 2. Nauarrus cap. 18. numero 50. et si non omnino improbabiliter. Caietanus cit. a. 2. Petrus Nauarrus n. 330. Carbo quæst. 20. Syluester V. *Detractio* quæstione 4. Sa V. *Infamare*, post Scotum, Gabrielem, Adrianum, tales excusent, saltem à peccato mortali iniustitiae, & obligatione restituendi; eo quod damnificatio non tam sicut dicentium, quam credentium.

140 Nec displaceat distinctio Lessii dub. 5. nempe si quis ita referat, vt probabile non putet, ullum crediturum, tum per se non esse peccatum mortale; si vero eo modo narret, ut aliquos ex leuitate quidem credituros putet, sed nulla per se data causa sufficiente, peccare mortaliter, saltem contra charitatem, non contra iustitiam; si vero referat eo modo, ijsque authoribus relatis, ut credentes non minori iure moueri possint ad credendum, quam si id suo proprio testimonio confirmasset, tum & peccare mortaliter contra iustitiam, & teneri ad restitutionem.

141 Nec III. à mortali excusat, qui infamatum de maiori crimen, infamat de alio minore, disparato, & minime connexo; v. g. de fatto homicidam, vt recte contra Paludanum 4. distinctione 19. finali, Sylvestrum V. *Detractio* quæstione 4. & Cordubam, tradunt Petrus Nauarrus n. 326 Nauarrus cap. 18. n. 42. Lessius dub. 14. post Adrianum.

Nec IV. Qui post narratum alicuius criminationis ab eo penitentiam actam asserit ex communi apud citatos, quicquid nonnulli dixerint.

Nec V. Qui aliquem in uno graviter culpat, in alio laudat, vt ex certa & communi Petrus Nauarrus n. 370.

142 Nec VI. Qui crimen publicum & notorium sola evidenter facti, vel indiciorum, euulgat in locis remotoribus, ad quæ moraliter alioquin fama non erat peruentura, ex communi apud Valentiam, Aragonum, Petrum Nauarrum, contra Caietanum, Nauarrum, Sa.

Secus ex probabili, si quis etiam iniuste, infamatus in uno loco, infameretur in alio propinquo, ad quem cito & facile, ac quasi inevidenter, idem rumor erat peruenturus; tunc enim moraliter rem astimando, fama iam ante tali loco quasi amissa censeri potest; iuxta Aragonum, Bannum, Valentiam. Lessium: aut si quis crimen persententiam iudicis notorium, secluso odio, euulget in alio loco quantumvis, remoto, iuxta Nauarrum cap. 18. num. 26. Caietanum opusc. 31. respons. 9. Lessium lib. 2. cap. 11. dub. 13. Aragonum hic, Sa citatum: et si Adrianus, & quoad locum valde remotum Valentia contrarium sentiant, sicut & Sotus citatus, & Toletus lib. 5. cap. 65. qui saltem id esse mortale contra charitatem docent. Sed in contrarium est, quod iustum sententiam, iudicis suo modo exequi (vti quodammodo accidit in tali casu) non est mortale.

Nec VII. à mortali excusat, qui prodit, crimen eius, qui olim quidem eo fuit infamatus, iam autem honeste viuendo famam recuperavit, ex communi, apud citatos, et si Lessius significet, id tantum fore contra charitatem.

Quantum autem sit peccatum de alto dicere, esse superbum, iracundum, auarum, &c. quæcum inclinations naturales, tum peccata etiam mortalia significare possunt, ex circumstantijs & estimatione, quam audientes concepturi videntur, estimandum est; licet communiter de homine seculari prolati grauiter accipi non videantur, secundum Sylvestrum V. *Detractio* q. 1. Petrum Nauarrum n. 329. Lessium dub. 3.

V. Sine peccato alterius crimen manifestatur. I. Obbonum commune ex zelo iustitiae, accusando, denunciando, iuxta dicta q. 4.

II. Ob aliorum priuatum bonum, si cui nimis ex simulatione, vel occultatione imperitiae, improbatatis, &c. aliqua perniciens immineat, recte cum Soto, & Adriano Petrus Nauarrus num. 341. Valentia citatus, Lessius dub. 10. Eodem modo, quando iustis de causis v. g. propter officium, matrimonium, ordines, religiosum statum, &c. petitur, de aliquo informatio, non est peccatum, eius mores & defectus prodere, quoad opus est, ad finem iusta inquisitionis, vt recte Petrus Nauarrus num. 308. Aragoniusart. 2. modo in utroque causa damnum infamati non sit ita enorme, vt iuxta charitatis ordinem, cius potius præ altero habenda sit ratio, vt recte Lessius.

III. Licit proditur crimen ob bonum ipsius peccantis, vt emendetur, correptionis tamen ordine seruato, de quo suoloco disput. 2. quæstione 5. dub. 5.

IV. Ob bonum proprium, nempe vt consilium accipias, vt integre confitearis, &c. Imo etiam solatij causa, iniuriam ab altero acceptam amico exponere, non est peccatum, saltem mortale, iuxta Petrum Nauarrum numero 335. & Lessium dub. 12.

Et generatim licitum est, ob tui, vel proximi defensione, infamantis crimen, modo verum sit, denerere & dicere, cum mentiri, cum opus est, ad minuendam eius autoritatem, vt docet Sa V. *Infamare*, post Maiorem 4. distinct. 15. q. 16. Sotum ibidem quæst. 3. Sylvestrum V. *Restitutio*, Nauarrum cap. 18. num. 48. seruato tamen per omnia, moderamine inculpatæ tutelæ; ne plus nocetas, quam ad defensionem opus sit; nec etiam eiusmodi crimen prodas, quo eius autoritas in fide facienda nil immixtum, in quo facile potest peccari. Idem in specie de reo suo loco dictum quæst. 4. dub. 5.

Non est etiam peccatum, saltem mortale, vitium publicum, aut naturale competitoris te non dignioris, ut officium, seu beneficium, quo dignus es, conqueraris, superiori, vel ijs quorum interest, prodere, iuxta Sa citatum. Imo adspicantis ad beneficium, officium, vel dignitatem aliquam, licere quousquis etiam occultos defectus seu inhabilitates superiori denunciare, notat Toletus libro 5. cap. 65. post Nauarrum in cap. *Inter verba* num. 854.

Atque

147 Atque hinc etiam de Historicis fieri potest indicium; quibus certè quidem occulta & probrosa crimina, præsertim si etiam in graue probrum viuentium vergant, prodere non licet: cætera vero publica bono fine, ad exemplum posteritatis prodere licet, vt restè docent Sotus lib. 5. q. 10. a. 2. Valentia q. 17. pun. 2.

148 VI. Etiam sui ipsius infamatio, sine causa rationabili facta, est peccatum; & quidem nonnunquam mortale; saltem ex circumstantijs, puta ratione scandali proprij vel alieni; ratione documenti seu corporalis etiam proprij (vt accidit, si quis propter lenia tormenta imponat sibi crimen morte plectendum, vt ex Soto docet Lessius dub. 7.) seu temporalis alieni, vt si parentis infamia cedat indecens filiorum &c. secundum omnes: siue ea interim etiam ex suo genere sit mortale peccatum, vt putant Caietanus & Valentia; siue non, vt post Adrianum existimant Sotus lib. 5. quæst. 10. art. 2. Nauarrus cap. 18. num. 28. Petrus Nauarrus num. 120. Lessius citatus. Ratio est. Quia licet homo sit Dominus famæ, est tamen hoc bonum, moraliter loquendo, ad virtutis exercitationem valde vtile, immò imperfectioribus quodammodo necessarium.

149 Ex causa vero rationabili, nempe pro maiori bono suo, vel alterius, v. g. ob insignem fructum spiritualis profectus, vel vt vitam tuam, aut alterius seruas, &c. non est peccatum, scipsum infamare, ex communi, contra Caietanum.

Imò etiam ob notabile bonum, et si aliquo modo inferius, seu quod idem est, ob causam grauem, et si non omnino parem, prodigere famam, non est perse mortale, apud citatos; vt si quis propter grauissima tormenta evadenda, seu verè, seu falso, infamet scipsum, licet idecirco etiam morte plectendum, vt rectè cum Soto docent Nauarrus, Valentia q. 17. pun. 2. Lessius citatus, & dictum etiam quæst. 4. dub. 5. Quo modo autem aliquando obrestitutionem alteri faciendam, teneatur etiam quis scipsum infamare, dictum est de restitutione famæ q. 6. dub. 6.

VII. Etiam detractiones voluntarie audire, & admittere, est peccatum mortale, ex suo genere, ex communi apud S. Thomam quæst. 73. artic. 4. iuxta illud ad Roman. 1. v. vlt. *Quoniam qui talia agunt, digni sunt morte: & non solum qui ea faciunt, sed etiam qui consentiunt facientibus.* Vnde tenetur quisque eiusmodi malum proximi impedire, vel correptione fraterna, si profutura speretur, vel certe tristis vultus exhibitione, iuxta Proverb. 25. v. 23. *Venit aquilo digestus pluvias; & facies tristis lingam detrahentem;* aut alijs modis infirmando dictum, iuxta S. Thomam ibidem.

150 Est autem hoc peccatum, vel contra iustitiam, si quis directè iniustum detractionem approbet, aut quod deterius, ad eam inducat, vel contra charitatem, si quis mere negatiue se habeat, non impediendo; nisi ex officio teneatur, aut detrahentem corriger, aut famam alterius defendere: nempe quia vel huius, vel illius superior est, iuxta dicta de restitutione quæstione 6. dubitat. 2. & 14.

Communiter tamen ex negligentia, timore,

aut verecundia non repellere detractionem, solum censetur peccatum veniale; nisi vel audiens Superior sit, vel graue damnum ex detractione futurum animaduertatur; vel timor ipse adeo peruersus sit, vt propter eum peccare aliquis mortaliter non curet, vt notat Sanctus Thomas cit. quæstione 73. art. 4. iuxta generalem doctrinam de mundano timore traditam disp. 2. quæst. 1. dubitat. 3.

Quæritur III. Quid & quale peccatum sit *suffratio*. Respondeo breuiter. Suffratio iuxta S. Thomam quæstione 74. articulo 1. peccatum est, quo occulte & iniuste dissoluitur, aut lœditur amicitia, inter duos. Fit autem per detractionem; aut sine hac, narrando alia, quæ animum amici ab altero possint auertere. Ex suo genere est peccatum mortale, iuxta Ecclesiasticum 28. v. 15. *Suffratio & bilinguis maledictus:* & unicum specie peccatum iuxta S. Thomam quæstione 74. artic. 1. sed gravius detractione, ex a. 2. quia amico fidelis nulla est comparatio, Eccli 6. v. 15. veniale est vel ex indeliberatione, aut ob leuitatem materiæ, vel inter pueros.

Quæritur IV. Quid, & quale peccatum sit *Deriso*. Respondeo; Deriso iuxta S. Thomam q. 75. articulo 1. peccatum est, quo alteri iniuste malum erubescitæ (qua iuxta Damascenum lib. 2. orthodoxæ fidei cap. 15. est timor dehonorationis) cum quadam irreuerentia infertur; non sine perturbatione pacis internæ, & serenitatis conscientiæ, siue tranquillitatis animi. Fit aut verbis, & dicitur simplex deriso; aut factis, & dicitur subfannatio.

Est peccatum mortale ex suo genere, distinctum à contumelia, eaque grauior, iuxta S. Thomam quæstione 75. articulo 2. non quidem per se, & ratione obiecti; sed tum ratione modi; quia ioco-se agendo proximus magis contemnitur, quam scribi cum eo ageretur; tum ex accidente, si grauissimum proximi defectus ita derideatur, tanquam si ob vilitatem personæ parvus sit, vt sic irrisus magis vilipendatur, & quasi pro stulto, aut nullo reputetur: estq; eo maius peccatum, quo maiori persona deriso, vt cum insi simplicitas derideatur Job 12.

Quod si fiat in Deum, est blasphemia; si in Sanctos est irreligionis; si in parentes impietas, de qua Proverbiorum 30. v. 17. *Oculum, qui subannat partem, & qui deficit partum marii sua, effodian cum coru de torrentibus, & comedant eum sily aquile.*

Veniale peccatum est, vel ob indeliberationem; vel ob leuitatem materiæ; si defectus & contemptus sit parvus; nisi per accidens sequatur grande scandalum, ira &c.

Si deriso materialiter & in genere accipiatur, aliquando etiam deliberatæ facta, nullum est peccatum, vt si fiat moderata correptionis ergo, cum debitis circumstantijs; aut si ob conuenientem recreationem, oportuno loco & tempore, ac festiuè, cum debita moderatione, sine derisi contemptu, aut offenditione fiat. In quo tamen diligens cautio adhibenda est. Vide Valentiam q. 18. punct. 2.

155 Quæritur V. Quid, & quale peccatum sit Maledictio.

Respondeo breviter I. Maledictio materialis, quâ proximo malum sub ratione boni optatur, per se non est peccatum, ut de odio disp. 2. q. 6. dictum; malum autem sub ratione mali proximo inferendum, aut præcipere, aut imprecari, est peccatum, ut docet S. Thomas q. 76. a. 1. & quidem mortale ex suo genere, eoque grauius, quo personam, cui maledicuntur, magis amare & reuereri debemus, iuxta illud Leuitic. 20. v. 9. Qui maledixerit patri suo, aut matri, morte moratur, &c. ut docet idem a. 3.

Est quidem maledictio peccatum minus detractione, si solum imprecatoria sit maledictio, ob inefficacitatem: grauius vero, si malum infamia grauius proximo effaciter inferendum præcipiat, iuxta S. Thomam cit. q. 76. a. 4. Quia per se patent.

156 Respondeo II. Excusat à mortali, tum levitas materiæ, si malum, quod alteri imprecari paruum sit; tum inaduentitia & indeliberatio, si ex subita ira, præuertente plenum libertatis usum fiat; tum etiam ipse defectus consensus in malum, quod optas: si nimirum ore tantum, non ex animo malum alteri preceris, ex S. Thoma quæst. 76. art. 3. quamvis etiam tunc, ratione scandali, mortale esse possit.

Ipsa vero consuetudo, aut habitus peccandi, aut mox subsequens poenitentia, per se à mortali non excusat; sicut nec in illa alia materia, ut recte docent Caietanus in summa V. Maledictum, & Valentia q. 19. pun. 2. & generatim dictum tom. 2. disp. 4. q. 9. dub. 3. n. 51.

157 Respondeo III. Creaturis irrationalibus secundum se maledicere (ut fieri solet à rusticis) est verbum otiosum & vanum; maledicere autem illis, ut sunt creaturæ Dei, est blasphemia; sicut etiam maledicere Sanctis, prout in illis Deus habitat: maledicere autem illis, in ordine ad homines, ut sunt

res aliquiuis, seu vt per illas necessitatib[us] humanae subuenitur, atque adeo in documentum domini, perinde est, ac malum imprecari ipsi homini.

Si quis autem maledicat illis, prout secundum habitudinem loci, temporis, vel signi, referuntur ad hominem, per modum continentis, aut representantis &c. tunc rursus distinguenda est intentio: aut enim ijs maledicis, vt sunt relativa ad bona humana, quibus ultimata maledicere intendis, vsi v. g. diem maledicis, quo quis natus est, optes vt natus non esset, vel vt natus esset, atque adeo infastus fuisset is dies; & tunc est peccatum mortale ex suo genere: aut maledicis illis, vt referuntur ad malitia humana, & hoc modo non est peccatum maledicere. v. g. diem natuitatis suæ, vel alterius, ob multa mala culpæ, & poenæ annexa, & consequentia: modo tamen absolute voluntate diuinæ ordinatio: ni, meliorique bono non repugnetur. Sic enim lob maledixit diei natuitatis suæ Iob. 3. & David monitibus Gelboë 2. Reg. 1. vt docet S. Thomas q. 76. a. 2. & Caietanus V. Maledictum.

Respondeo IV. Maledictum non ad unum peccati genus pertinet; nam si quis alteri malum via: non iniusta, sed per Deum, aut elementa, seu alias creaturas, secundum Dei dispositionem, circa iniustiam inferendum optet, tunc maledictum hoc ad odium spectabit, & opponetur charitati, ut dictum disp. 2. q. 6. & significat S. Thomas hic q. 76. a. 3. vbi maledictum charitati aduersari docet: si quis vero eiusmodi mala iniuste inferenda optet, tunc iniustitiae aduersabitur, & pro ratione mali, vel ad homicidium & mutilationem; vel contumeliam, aut aliam eius generis peccati speciem pertinebit. Quod colligitur ex S. Thoma hic q. 76. a. 1. afferente, eiudem rationis malitiam esse, velle, & facere malum. Plura cit. disp. 2. q. 6. Atque hæc de Iustitia pro instituti ratione satis.



INDEX